

PROCANCELLARIVS

CHRISTIANVS GOTTLIEB HAVBOLD

EQVES ORDINIS SAXONICI VIRTVTIS CIVICAE
IVRIS PATRII PROF. PVBL. ORD. SVPREMAE CVRIAE PROVINC
SAXON. CONSILIARIVS, ORDINIS IVRISCONSVLTORVM ADSESSOR
COLLEGII MINORIS PRINCIPVM SODALIS

SOLLEMNIA INAUGVRALIA

PRAECLARISSIMI CANDIDATI

GVSTAVI FRIDERICI HAENELII

ANNABERGENSIS

PHILOS. D. AA. LL. M. IVR. VTR. BACCAL. ADVOCATI ET NOT. PVBL
IN REGNO SAXON. IMMATRICVLATI

DIE x. M. IVNII A. C. cIdccccxvii

PVBLICE CELEBRANDA

INDICIT

Inest

FRAGMENTVM GRAECVM

de obligationum causis et solutionibus, in primis
de stipulatione Aquilliana,

ab Angelo Maio nuper in lucem protractum, nunc iterum
editum et breui adnotatione illustratum.



In dies pergit Angelus Maius, Vir Celeberrimus, bibliothecae nobilissimae, cui praeest, loculos excutiendo et, quae non minori fortuna, quam sollertia et sagacitate vsus inuenit, a diuturno interitu in vitam reuocando de antiquis litteris praeclare mereri. Qui enixi studii fructus tantum abest, vt intra fines earum litterarum, quibus proprium nomen est ab humanitate, contineantur, vt nulla fere ars sit vel disciplina, praesidorum antiquitatis haud plane expers, cui non ab inuentorum Mediolanensium claritate lucis aliquid adfulserit. Quae quum ita sint, nemini mirum videbitur, etiam in iuris doctrinam, si qua alia, humanitatis studiis arctissimo vinculo nexam, plurimum vtilitatis ex illa temporum nostrorum opportunitate redundasse; de qua re iam ex vno pulcherrimorum monumentorum Tullianae eloquentiae, Maii beneficio ab obliuionis iniuria vindicatorum, exemplo satis constare existimamus. Nuperime autem factum est, vt eiusdem Viri ad augendas litteratae antiquitatis copias nati industria incideret in frustum iurisprudentiae Graecae, ipsi scholion Basilicorum visum, quod ad calcem Opusculorum Philonis ac Porphyrii, itidem superiori anno ab eo luci redditurum^{a)}), graece exhibuit notulisque aliquot locupletauit^{b)}),

a) PHILONIS *Iudaei* de virtute eiusque partibus. Inuenit et interpretatus est Angelus MAIUS, A. C. D. (Ambrosiani Collegii Doctor) Praeponitur Dissertatio cum descriptione librorum aliquot incognitorum Philonis cumque partibus nonnullis Chronici inediti EUSEBII *Pamphili* et aliorum operum Notitia e Codicibus Armeniacis petita.

Mediolani regis typis 1816. 8. pagg. LXXX. et 28. PORPHYRII *Philosophi* ad Marcellam. Inuenit, interpretatione notisque declarauit Angelus MAIUS. Adcedit eiusdem PORPHYRII poeticum Fragmentum. Mediolani regis typis 1816. 8. pagg. VIII. et 68.

b) Pag. 65—67. Opusculi Porphyriani.

praemisso quidem, quod sequitur, elogio. „PARERGO. Haud absurde facere mihi videor, si hoc libello, in quo multa de Armeniis dixi, graecum quoque scholion exhibeam, quod Codex quidam Ambrosianus addit titulo sexto, qui est *de Armeniis* in libro XLV. Basilicorum; omittitur autem eo loco in Parisiaca Basilicorum editione. Quippe post dictum titulum subiunguntur in editione Scholia duo Theodori Hermopolitae (qui Basilic. T. III. p. 57. antonomasia quadam dicitur *ὁ διατάξων ἐξηγητής, constitutionum interpres*), quibus scholiis Codex Ambrosianus interponit spatiosum aliud *de obligationibus* et *de Aquiliiana stipulatione*, quod est eiusmodi.“ Descripserat nimirum Vir etiam orientalium litterarum intelligentissimus in fronte Philoniani Opusculi varios Codices Armeniaca lingua conscriptos, quorum alios seruat et ipsa Bibliotheca Ambrosiana, aliorum copiam clarissimus Armeniorum doctor, Ioannes Zohrabus, editori fecerat, in his quam maxime insigne Chronici Eusebiani integri exemplum, cuius specimina in latinum sermonem conuersa Vir eruditissimus ibidem exhibuit, vniuersi autem propediem vulgandi laetam commonuit expectationem^{c)}. Quae honorifica meritorum Armeniacae nationis in litteras mentio ansam praebuit nostro, vt ipse professus est, communicandi cum viris doctis eius, quod titulo Basilicorum *de Armeniis*. e Nouellis Iustiniani, quippe XXI. c. 1. XXXVI. et CXVII. c. 1. mixto^{d)}, adscriptum repererat Codici Ambrosiano, corollarii; vnde rursus factum est, vt, licet ipsi *παράγω* nihil inesset, ad quod quis illarum legum, nedum nationis Armeniacae, reminisci posset, tamen in Iudice operum, quae Maï beneficio lucem Mediolani adspexerunt, Mediolani venalium, auctoritate procul dubio Editoris Celeberrimi publice

c) Diss. praeniae P. II. p. XXVI.

d) T. VI. p. 137—139. ed. Fabrot.

proposito; idem pro graeco scholio ad Basilicorum titulum de Armeniis venditaretur. Quo munere vt quam primum fruantur, quibus forte nondum visa est libri editio, iuuat per praesentem scribendi necessitatem ab officii ratione mihi impositam non solum ipsum fragmentum diligenter recognitum et mendis nonnullis, quae in Mediolanense *πρωτότυπον* irreperant, purgatum, addita, quae ab hoc abest, latina versione, nouaque adnotatione, repetere, verum etiam de consilio totius opellae, et, quam nostris litteris adferat, vtilitate adcuratius disputare. En igitur fragmentum ipsum!

1. ¹⁾ *Τίσσαρες εἰσὶν ἐνοχαὶ ἀπὸ συναλλαγμάτων ἐχειρόμεναι*, re, verbis, litteris, consensu. ²⁾ *Καὶ ἡ μὲν re συνίσταται ἀπὸ φάκτου ἢ τοι ἀριθμήσεως, καὶ τῆς ἀπὸ ³⁾ χειρῶν εἰς ⁴⁾ χειρὸς ⁵⁾ ἀποθέσεως. ⁶⁾ Ἡ δὲ verbis συνίσταται ἐξ ἐπερωτήσεως καὶ ⁷⁾ ἀποκρίσεως, ἢ νύκτα ⁸⁾ ἢ γενέσθαι ἢ δοθῆναι τι ἐπερωτῶμεν. ⁹⁾ Ἡ litteris συνίσταται ῥήμασι καὶ γραμμασι ¹⁰⁾ τυπικῶς. ¹¹⁾ Ἡ δὲ consensu*

1. *Quatuor sunt obligationes c contractibus oriundae: re, verbis, litteris, consensu. Et re quidem (obligatio) contrahitur ex facto vel numeratione, atque e manu in manum traditione. Verbis autem contrahitur ex interrogatione et responsione, quando aut fieri quid aut dari stipulamur. Litteris contrahitur per verba sollemniter dicta et scripta. Consensu autem*

1) Cf. THEOPH. ad §. 2. Inst. de Oblig. 3, 15. „Τίσσαρες δὲ ἐκ τῶν συναλλαγμάτων τίκονται ἐνοχαί, re, verbis, litteris et consensu.“ Pro τίκονται Fabrotiana vtraque legit ἐχειρόνται, sicut ante Fabrotum: ἡ δὲ, βίεβις, λίτρος καὶ ποσάινον. 2) Cf. THEOPH. ad pr. Inst. Quib. mod. re contrah. oblig. 3, 14. 3) χειρὸς THEOPH. 4) χεῖρα THEOPH. 5) μεταδίδας THEOPH. 6) Cf. THEOPHILUS ad pr. Inst. de Verb. oblig. 3, 15. 7) Addit THEOPH. ἀνμνήσινον. 8) ἢ γενέσθαι τι ἢ δοθῆναι THEOPH. 9) Cf. THEOPH. ad tit. Inst. de Litter. oblig. 3, 2. 10) τυπικῶς THEOPH. et ita etiam infra §. 4. γραμμασι τυπικῶς. Sed vetustiores edd. habent: ῥήματι καὶ γραμματι τυπικῶς. 11) Cf. THEOPH. ad tit. Inst. de Obligat. ex consensu, 3, 22.

συνίσταται ἀπὸ συναινέσεως, ἥτις καὶ μεταξὺ ἀπόντων ἰσχυρῶς προβαίνει. ¹²⁾ Αὐταὶ αἱ τέσσαρες ἐνοχαὶ πάσας τὰς ἀπὸ συναλλαγμάτων τικτομένης ἐνοχάς, καὶ τὰς ἐγειρομένας κατ' αὐτῶν ἀγωγὰς ἐν αὐταῖς περιέχουσι, καὶ ὑπ' αὐτῶν διορίζονται.

2. ¹³⁾ Εἰσὶ δὲ ἑτεραι τέσσαρες ἐνοχαὶ, οὐ κυρίως ἀπὸ συναλλαγμάτων, ἀλλ' ὥσπερ ἀπὸ συναλλαγμάτων ὅσον ¹⁴⁾ ἡ νεγοτιόρουμ γεσιόρουμ, τουτέστιν ἡ τοῦ ἑλλοτρίου πράγματος διοίκησις ¹⁵⁾ χωρὶς μανδάτου· ¹⁶⁾ καὶ ἡ τουτέλας ἥτοι κατ' ἐπιτρόπων· ¹⁷⁾ καὶ τὸ *communi diuidundo*, τουτέστιν ἡ διαιροῦσα τὰ ἐπίκοινα πράγματα, κοινωνίας ἐκτός, ὅταν τυχὸν δωρηθῇ τισὶν ἡ ληγατευθῇ· ¹⁸⁾ καὶ τὸ περὶ διαίρεσεως φαιμιλίας, ἥτοι ¹⁹⁾ ἐγκληρονόμων, ὥσπερ ἀπὸ συναλλαγμάτων ἐστὶν· ²⁰⁾ καὶ ὅταν τις

contrahitur ex conuentione, qualis etiam inter absentes rata est. Hae quatuor omnes obligationes, quae ex contractibus descendunt, exque iis oriundas actiones in se continent, et per eas distinguuntur.

2. *Sunt autem aliae quatuor obligationes, quae non proprie e contractibus, sed quasi e contractibus veniunt. Cuiusmodi sunt negotiorum gestorum, id est, alieni negotii administratio citra mandatum; et (actio) tutelae siue aduersus tutores; et communi diuidundo, hoc est, (iudicium) separans res extra societatem communes, veluti quibusdam (simul) donatas vel legatas. Etiam (iudicium) familiae erciscundae, scilicet inter coheredes, quasi ex contractu est. Et si quis me he-*

12) Absunt haec a THEOPHILO, sed respondent iis, quae ad finem §. 2. Fragmenti nostri leguntur. 13) Cf. THEOPH. ad pr. Inst. de Oblig. quae quasi ex contractu nascuntur, 3, 27. 14) Cf. THEOPH. ad §. 1. eod. 15) διὰ THEOPH. 16) Cf. THEOPH. ad §. 2. eod. 17) Cf. THEOPH. ad §. 3. eod. 18) Cf. THEOPH. ad §. 4. eod. 19) Mallem *σγκληρονόμων*, quod exstat apud THEOPH. tum h. l. tum ad §. 20. Inst. de Action. 20) Cf. THEOPH. ad §. 5. Inst. de Oblig. quae quasi ex contr. „Εἰ δὲ καὶ τις τελευτῶν ἐν-στυγνῆται με κληρονόμον, ληγατεύσῃ δὲ παρ' ἐμοῦ πράγματα ἀλλότριον· κατέχουμαι ἰγὼ τῷ ληγαταρίῳ ἕνεκα του καταλειφθέντος τῇ ex testamento.“

κληρονόμον καταλειπών με λη-
γατεύση παρ' ἐμοῦ πρᾶγμα ἄλ-
λότριον, κατέχομαι τῷ ληγατα-
ρίῳ τῇ ex testamento, τουτίστιν
ἀπὸ διαθήκης. ²¹⁾ Καὶ αὗται δὲ
αἱ τέσσαρες ἐνοχαὶ ὥσανεὶ ἀπὸ
συναλλαγμάτων ἔχουσιν ἐν αὐταῖς
τικτομένας ἐνοχὰς καὶ ἐγειρομέ-
νας κατ' αὐτῶν ἀγωγάς.

5. ²²⁾ Διαλύονται δὲ αὗται ²³⁾ τῇ
καταβολῇ τοῦ ἐποφειλομένου, ἢ
ἐτέρου ἀντ' αὐτοῦ, ²⁴⁾ βουλομένου
τοῦ δανειστοῦ.

4. ²⁵⁾ Καὶ ἡ ἀκκεπιλατίων
ἤτοι ἀθώωσις διαλύει τὴν ἐνοχὴν.
Αὐτὴ δὲ ²⁶⁾ μόνῃ τὴν ἀπὸ τῆς βέρ-
βις (τὴν ἐν λόγοις) ἐνοχὴν δια-
λύει. Οὐ μὴν τὴν ἀπὸ τῆς ῥέ,
ἢ λίτερις (τὴν ἐν γράμμασι τυ-
πικοῖς,) ἢ κονσένσο (τὴν ἀπὸ
συναίνεσεως). Ἀκόλουθον γὰρ
ἐνομίσθη εἶναι τὴν ῥήμασιν
²⁷⁾ ἐνισταμένην ἐνοχὴν ἐτέροις
ῥήμασι δύνασθαι ²⁸⁾ καταλύεσθαι.

*redem' relinquens a me legauerit
rem alienam, teneor ego legata-
rio (actione) ex testamento,
id est, ex vltima voluntate. | Et
hae quatuor obligationes quasi
ex contractibus continent in se
natas ex iisdem obligationibus
actiones.*

5. *Dissoluuntur autem hae
(obligationes) solutione
eius, quod debetur, aut alius rei
loco debitae, consentiente (ta-
men) creditore.*

4. *Etiam acceptilatio
(ἀθώωσις) dissolvit obligationem.
Haec vero sola verborum obliga-
tionem dissolvit, non item re,
aut litteris, aut consensu contra-
ctam. Consentaneum enim vi-
sum est, verbis initam obligatio-
nem aliis verbis posse dissolui.*

21) Etiam haec absunt a THEOPH. vt finis §. 1. 22) Cf. THEOPH. ad pr.
Inst. Quib. mod. toll. oblig. 3, 29. 23) τῇ οὐλοτήτωνι, τοιτίστι τῇ κατα-
βολῇ THEOPH. 24) Apud THEOPH. l. 1. συναίνεσι τοῦ κρεδύτορος. 25) Haec
§. fere integra descripta est e THEOPH. ad §. 1. eod. usque ad verba: ἀκο-
λούθως ἡ ἀκκεπιλατίων ἰπάγεται. 26) Leg. μόνῃ, vt ap. THEOPH. et infra
§. 5. 27) ἐνισταμένην THEOPH. 28) συγκταλύεσθαι THEOPH. quod Guil.
Ott. REITZIO prae vulgato καταλύεσθαι placuit.

Εἰ δὲ ἐτέρωθεν ἔστι μοί τις ἔνοχος, οἷον ἀπὸ τῆς ῥᾶ, λίτερης, consensu, ἢ ἀπὸ τῆς negotiorum gestorum, ἢ ex testamento (ἤτοι ἀπὸ διαθήκης), βουλευθῶ δέ σοι τοῦτο συγχωρῆσαι²⁹⁾, δύναμαι σε ἐπερωτᾶν οὕτως· ὁμολογεῖς διδόναι μοι, ὅπερ ἐποφείλεις ἐκ τῆςδε τῆς ἀγωγῆς; καὶ σοῦ εἰπόντος· ὁμολογῶ· ἡ μὲν προτέρα ἀνήρηται ἀγωγή, τίκεται δὲ ἡ βέρβις, καὶ³⁰⁾ ἀκολούθως ἡ acceptilatio ἥτοι ἀθώωσις ἐπάγεται.

5. ³¹⁾ Καὶ ἐν ἐκείνῳ μὲν ἔστιν ἡ διαφορὰ πολουτίωνος καὶ ³²⁾ ἀκκεπιλατίωνος, ἥτοι διαλύσεως καὶ ἀθώωσεως· ὅτι ἡ μὲν διάλυσις πᾶσαν διαλύει ἐνοχλήν, ἡ δὲ ἀθώωσις μόνην τὴν βέρβιν, ἥγουν τὴν ἐν λόγῳ ἐνοχλήν. Ἐν ἐκείνῳ δὲ αὐτοῖς ἔστι κοινωνία· ³³⁾ ὥσπερ γὰρ μέρος χροῖους καταβληθὲν ἐν μέρει διαλύει τὴν ³⁴⁾ διαγωγὴν, οὕτως καὶ εἰς μέρος δύναται γίνεσθαι ἀθώωσις ἥτοι acceptilatio.

Si quis vero mihi aliunde obligatus sit, veluti re, litteris, consensu, aut ex negotiorum gestione, aut ex testamento, atque ego tibi hoc (debitum) remittere velim, possum te interrogare hunc in modum: „Spondesne mihi dare, quidquid ex hac vel illa actione debes?“ et te dicente: „Spondeo,“ prior quidem actio perimitur, nascitur autem verborum obligatio, et (huius) consequenter acceptilatio (ἀθώωσις) inducitur.

5. Atque in eo quidem solutio differt ab acceptilatione, quod solutio omnem dissolvit obligationem, acceptilatio vero solam verbis contractam. In eo autem conveniunt, quod, sicut solutio, parte debiti soluta, pro parte tollit actionem, ita etiam pro parte fieri potest acceptilatio.

29) THEOPH. addit: τὸ χροῖος, quod omnino supplendum. 30) AP. THEOPH. haec interiecta sunt: λοιπὸν ἀστάσης τῆς verbis. 31) Etiam huius §. fons est THEOPH. ad §. 1. eod. sub fin. 32) MAIUS perperam exhibuit ἀκεπιλατίωνος, quae forma parum abest ab ἀκεπιλατίωνος, vocabulo in Glossis nomicis obuito. 33) AP. THEOPH. melius haec ita sunt nexa: ὅτι ὥσπερ μέρος κ. τ. λ. 34) ἀγωγὴν THEOPH. sed legendum utique ἐνοχλήν, auctore RAITZIO.

6. ³⁵⁾ Ἐπειδὴ δὲ ³⁶⁾ τὸν ἐτί-
ρωθεν ἐποφείλοντα ἐπερωτηθέν-
τα καὶ γενόμενον ἐνοχον τοῖς
verbis, δύνασθαι τότε διὰ τῆς
ἀκκεπιλατίωνος ἤτοι ἀθώσεως
ἐλευθεροῦσθαι· ἀναγκαῖον εἰπεῖν
καὶ ³⁷⁾ περὶ τῆς Ἀκουιλιανῆς
ἐπερωτήσεως, ἣτις ἐπερώτησις
πλέον πᾶσαν ἐνοχὴν δύναται εἰς
ἐαυτὴν κατὰγειν, καὶ διὰ τῆς
ἀκκεπιλατίωνος ἤτοι ἀθώσεως
ἀναιρεῖν. Ἡ γὰρ Ἀκουιλιανὴ
ἐπερώτησις πᾶσαν ἐνοβάρτευσεν
ἐνοχὴν, ³⁸⁾ ἥτοι ἀνεκαίνιζες με-
τατεθείσαν εἰς ἐτέραν ἐνοχὴν.
ὑπὸ δὲ Γάλλου Ἀκουιλίου τοῦ νό-
μου οὕτω σύγκειται· „Εἴτι μοι
ἐξ οἷας δῆποτε αἰτίας ³⁹⁾ δοῦναι
ποιῆσαι ἐχορὴν ἢ ⁴⁰⁾ καθαρὸν ἢ
ὑπὸ ἡμέραν, καὶ ὧν πραγμάτων
χάριν ἐμοὶ κατὰ σοῦ ἀγωγὴ ἢ ἐν
ῥέμῃ ἢ ⁴¹⁾ περσογάλια ⁽⁴²⁾ τουτέ-

6. Quoniam vero (*diximus*)
eum, qui aliunde debet. interro-
gatum ac verbis obligatum, posse
deinde per acceptilationem libe-
rari: necesse est dicere etiam de
Aquiliana stipulatione,
quae omnem omnino obligatio-
nem potest in stipulationem de-
ducere et per acceptilationem
(ἀθώσων) tollere. Nam Aquil-
liana stipulatio omnem innoua-
bat obligationem, seu mutabat
conuersam in aliam obligatio-
nem. A Gallo autem Aquillio
Iurisconsulto sic est composita:
„Si quid mihi ex quacumque
caussa dare facere te oportuit
sive pure sive in diem, qua-
rumque rerum nomine mihi
tecum actio sive in rem, sive
in personam est eritue; quod-
que tu meum habes, tenes, pos-

35) Fundus rursus THEOPHILVS ad §. 2. eod. 36) Sensus poscit, vt suppleatur,
praeunte THEOPHILO, *εἰρήκαμεν* vel simile quid. 37) Rectius sic, quia apud
THEOPHILVM: *περὶ τῆς ἀκκεπιλατίωνος καὶ τῆς ἀκ. ἐπ.*, quum hic locus de sola
stipulatione Aquill. agat, eamque acceptilatio non praecedat, sed subsequatur.
38) Abest haec explicatio, vt solet, a THEOPHILO. *Μεταθέσεις* vocabulum
eodem sensu usurpatur in Basilicis Lib. XXVI. tit. 4. c. 1. T. IV. p. 126.
et ab HARNENOPULO Lib. III. tit. 5. §. 83. 39) THEOPH. *δοῦναι ἢ τι ποιῆ-
σαι ὅς ᾗ ἢ ἐχορὴν*, sensu ab ipsa formula, qualem e I. 18. §. 1. D. de Ac-
ceptil. et §. 2. Inst. Quib. mod. oblig. toll. discimus, aliquantum quidem di-
verso, nec tamen reiiciendo. 40) *παῦρος ἢ in diem* THEOPH. 41) *ῥέμῃ*,
quod Maius inter *ἢ et περσογάλια* inseruit, manifeste abundat. 42) Ne-
que hanc explanationem habet THEOPH.

σιν ἢ πραγμάτων ἀπαίτησις ἢ προσωπικὴ) ἔστιν ἢ ἔσται, καὶ ὅπερ ἂν σὺ ἐμὸν ἔλῃς, ⁴³⁾ κρατεῖς, νέμῃ ἢ ἐνεμήθῃς, ἢ ⁴⁴⁾ δόλον ἐποίησας, ὅπως μὴ νευμηθῇς, ⁴⁵⁾ ὅσον ἔστιν ἕκαστον τούτων τῶν πραγμάτων, τσαῦτα χοήματα δάσωσιν ἐπερωτήσας μὲν ⁴⁶⁾ ὁ Αὐλὸς ⁴⁷⁾ Ἀγερούχιος· ⁴⁸⁾ ὁ μολογήσας δὲ Νουμέριος Ἐγιδίος. Ἔτα μετὰ τὸ γενέσθαι τὴν τοιαύτην ἐπερωτήσιν, καὶ πάντα ⁴⁹⁾ ἐνεχθῆναι εἰς τὴν βέρβις, ⁵⁰⁾ τότε ὁ Νουμέριος Ἐγιδίος διὰ τῆς Ἀκουιλιανῆς ⁵¹⁾ ἐπερωτᾷ Αὐλὸν Ἀγερούχιον· ⁵²⁾ „ὅτι εἴτι σοι κατὰ τὴν σήμερον ἡμέραν ⁵³⁾ διὰ τῆς Ἀκουιλιανῆς ἐπερωτήσεως ὁμολόγησα, τοῦτο ὅλον ἔχεις λαβών;“ ἀποκρίνεται ⁵⁴⁾ Αὐλὸς Ἀγε-

sides aut possedisti, aut dolo (malo) fecisti, quo minus possideres, quanti quaeque earum rerum est, tantam pecuniam dari stipulatus est Aulus Agerius, spondidit Numerius Negidius.“ Deinde, facta huiusmodi stipulatione, et omnibus in verborum obligationem conuersis, tunc Numerius Negidius per Aquillianam stipulationem (interrogatus) interrogabat Aulum Agerium: „quidquid tibi hodierno die per Aquillianam stipulationem (interrogatus) spondidi, id omne habesne acceptum?“ Respondet Aulus Agerius: „habeo acceptum et acceptum tuli.“ Et ecce! per priorem quidem formulam contracta est

43) In THEOPH. ed. REITZ. ἢ κρατεῖς, ἢ νέμῃ. Prius tamen ἢ ab aliis editis abest. 44) Legendum, monente REITZIO, vel δόλον vel κατὰ δόλον, quam et THEOPHILVS sic habet. 45) ὅσον ἂν ἔστιν ἐν ἕκαστον THEOPH. 46) Articulus abest a THEOPH. 47) THEOPH. hic et infra semper legit Ἀγέριος, sicut pro Ἐγιδίος Negidius. 48) THEOPH. rectius ὁμολόγησε. 49) ἐνεχθῆναι THEOPH. REITZ. sed FABROT. edd. habent, ut nostrum fragmentum, ἐνεχθῆναι. Ceterum verba haec: καὶ πάντα ἐνεχθῆναι εἰς τὴν βέρβις, abunt a SCHOLIO c. ad Basil. Lib. XI. tit. 2. c. 4. T. I. p. 804. quod alioquin inde a clausula: ἔτα μετὰ τὸ γενέσθαι κ. τ. λ. THEOPHILI vestigia presse sequitur; unde etiam illius varias lectiones (REITZII T. II. p. 941. exemplo) visum est huc transcribere. 50) SCHOLIASTES Bas. sollicite suppressis personarum nominibus ita: τότε ὁ ἐπερωτῆθεις ... ἐπερωτᾷ τὸν ἐπερωτήσαντα. 51) THEOPH. et SCHOL. Bas. inserunt: ἐκ τοῦ ἐναντίου. Quod sequitur: ἐπερωτᾷ, habet quidem FABROTUS, sed REITZIVS: ἐπερωτήσεν. 52) οὕτως· εἴτι SCHOL. Bas. 53) THEOPH. addit nomen: ὁ Νουμέριος Negidius, pro quo SCHOL. rursus habet ἐγώ, sicut pro διὰ τῆς ἐπερ. ap. SCHOL. simpliciter exstat: διὰ τῆς ἐπερωτήσεως. 54) ὁ ἐπερωτήσας λέγουν SCHOL.

ρούχιος· „ἔχω λαβὼν, ἣ καὶ λη-
φθὲν ἀπηνεγκάμην.“ Καὶ ἰδοὺ
55) διὰ μὲν τῶν πρώτων ἡγήμα-
των 56) ἐνεστὶν ἡ βίρβις, ἡ διὰ
τῆς Ἀκουϊλιανῆς πᾶσαν αἰτίαν
προϋπάρχουσαν 57) νοβατεύουσα,
ἣτοι μετατιθεῖσα. Διὰ δὲ τῶν
δευτέρων ἐτίχθη ἀκκεπιλατίων
ἣτοι ἀθώωσις, τὴν Ἀκουϊλιανὴν
ἐπερώτησιν 58) διαλύουσα. Αὕτη
τοίνυν ἔστιν ἡ παρὰ τῷ πλήθει
λεγομένη Ἀκουϊλιανή 59) ἐπε-
ρώτησις.

verborum obligatio, quae per
Aquilianam (stipulationem)
quamlibet caussam praecedentem
innouauit, id est, conuertit.
Per posteriorem autem nata est
acceptilatio, Aquilianam stipu-
lationem dissoluens. Haec ipsa
igitur est, quae vulgo Aquillia-
na vocatur stipulatio.

Iam etsi, ex quo fonte maxima saltem tractatus huius pars
manauerit, neminem fugere potest, qui, quae supra indicauimus
Theophili loca, a nostro, quisquis fuerit, vel in compendium red-
acta, vel ad verbum adeo descripta, cum ipso opusculo compara-
verit, idemque, quanta Theophilus apud Iurisconsultos Graecos et

55) διὰ τῶν πρώτων SCHOL. 56) ἐνέστη THEOPH. et SCHOL. quod verius.
57) ἐνοβάτεως sine explicatione THEOPH. et SCHOL. quare etiam pro ἣ ibi
exstat ἡ. 58) διαλύουσα SCHOL. pro quo, si REITZIVM audias, reponendum
διαλύουσα. Ceterum SCHOL. post verbum διαλύουσα addit: ὡς γοῖν ἐνστὶ.
γ. τ. π. θ. quae clare produnt, ipsum THEOPHILVM ante oculos habuisse:
59) διατίσις THEOPH.

in ipsis Basilicis eorumque Scholiis floreat auctoritate*), meminerit: tamen ad ferendum rectum de viuersa fragmenti propositi ratione iudicium videtur esse necessarium, vt reliquae quoque Graecae iurisprudentiae copiae in consilium adhibeantur, et cum nostro committantur. Ac de Scholio quidem *Βασιλικῶν*, cuius clausula extremae fragmenti particulae respondet, ita dicere occupauimus, vt primum sit, vtrumque hactenus ex eodem fonte, Theophilo nempe, fluxisse. Quae vero in eo Scholio praecedunt *), sicuti reliqua iuris graeci loca ad acceptilationis et Aquillianae stipulationis notiones explicandas spectantia *), (nam ad alias doctrinae partes, quas noster summo, vt aiunt, digito attingit, hanc ipsam ob causam graeci interpretes nihil praesidii adferunt) non verbis solum a fragmento nostro plurimum differunt, sed interdum etiam sententia, adeo,

e) Vere *Car. Annib. FABROTUS* in Edit. priori *THEOPHILI* ad §. 2. de Oblig. „pleraque,“ ait, „apud Theophilum et libros Basilicorum totidem verbis leguntur.“ Testimonium praebent e contextu Basilicorum L. XXVIII. tit. 4. c. 46. (T. IV. p. 255.) tit. 5. c. 1. (ib. p. 281 — 286.) Lib. XXXI. tit. 4. c. vn. (ib. p. 747 — 749.) Lib. XXXIII. tit. 1. c. 51 — 55. (ib. p. 761 — 763.) Lib. XXXVI. tit. 1. c. 1. (ib. p. 819.) e scholiis vero, quae exstant sub o. ad Lib. XIV. tit. 1. c. 22. (T. II. p. 182. sq.) sub o. ad Lib. XXI. tit. 1. c. 14. (ib. p. 554.) et sub r. ad Lib. XXVIII. tit. 4. c. 47. (T. IV. p. 280.), vt taceam plurima loca, e *THEOPHILI* Paraphrasi non laudata tum iisdem Basilicis eorumque scholiis, tum Synopsi, Glossis nomicis et Harmenopulo illata, quae, asterisco

praefixo, congescit *REITZIVS* in Fragmentis *Theophili* T. II. Paraphraseos p. 929 — 943.

f) *Laud. Schol. c. ad Basil. Lib. XI. tit. 2. c. 4. T. I. p. 804.* a verbis: „*Ἡ Ἀνομίαν ἡπερώτησι παντὶ τῷ πρὸ νοβατέει,*“ vsque ad verba: „*ὁμολογῶ καὶ χρηστώ σοι πάντα.*“

g) *Vetus Glossarium iuris excerptum a Barn. BRISSONIO de verborum, quae ad ius civile pertinent, significatione v. Acceptilatio p. 13.* (cui glossae *Pet. Lucret. STRUCHMEYER* in *Epist. crit. in Glossas nomicas ad Herm. Cannegieterum* p. 11 — 13. medicas manus adhibuit, sed, *Andr. Guil. CRAMERO*, Iurisconsulto eodemque literatore summo, *Suppl. ad BRISSONII Op. laud. p. 35. iudice, satis licenter* et v. *Aquilius Gallus* p. 93. (qui lo-

vt commodè alterum ex altero suppleri possit atque illustrari. Quibus omnibus diligenter expensis et inuicem collatis, tandem nobis visum est fragmentum, quamquam Theophilinae operae velut ouum ovo simillimum, tamen tum a fonte suo, tum a ceteris iurisprudentiae graecae monumentis, quae aetatem tulerunt, ita discrepare, vt dignum omnino fuerit, quod publicae luci exponeretur.

Cui nostro iudicio vt fidem faciamus, lubet autè omnia provocare ad ea, quae in fragmento plane sunt singularia, nec facile apud alios e graecis interpretibus obuia: compendiosam in primis breuitatem, qua vsus est auctor tum in consociandis sine exemplo rebus alias per maxime dissitas doctrinae partes tradi solitis ^{h)}, tum in colligendis et vno tenore definiendis quatuor contractuum generibus (§. 1.), denique in ineundo numero obligationum, quae quasi ex contractu descendere intelliguntur, procul dubio, vt etiam hactenus propriorum contractuum varietatem aequarent (§. 2.); quod quidem eam vim habuit, vt indebiti mentio supprimeretur simili labe, qualem libellus, Brachylogi nomine notus, in obligatio-

cns verbotenus repetitus legitur inter *Glossas nomicas* v. „*Ἀκουίλιαν, οὐκ ἔστιν ἀγωγή*“ κ. τ. λ. T. III. Thes. Otton. p. 1710. sq. postea itidem a STRUCHTMEYERO l. l. p. 15. emendatus.) *Glossae nomicae* vv. *Ἀκκεπυλατίων*, (in Thes. Ott. T. III. p. 1710.) *Ἀκουίλιαν, ἐπερωτίσας*, (ib.) *Εἰκονική λήψας*, (ib. p. 1728.) et *Ἐπερωτίσας ἐστὶ συνθήκη* κ. τ. λ. (ib. p. 1734.) et *Scholion* ad Synops. Basilic. L. XXVI. tit. 6. post c. 22. p. 265. Cf. Basilicorum contextus Lib. XXVI. tit. 6. (T. IV. p. 175 — 181.) scholiis ipse destitutus.

h) THEOPHILVS, qui vnus e graecis doctoribus causas obligandi paullo accuratius exposuit (nam *Basilica* Lib. LII. tit. 1. in Thes. Meerm. T. V. p. 96 — 103. nihil aliud continent, quam capita tituli D. de O. et A. scholiis carentia, et in reliquis fontibus Postiustinianeis altum est de hoc argumento silentium, si ab exili MICHAELIS *Attaliotae* decreto discesseris, quod sistit Ius Graeco-Romanum T. II. p. 8.), omnino sequutus est Iustinianeam rationem inde a Lib. III. tit. 13.

num quasi ex contractu exemplis recensendis ¹⁾ additionem hereditatis, actionis ex testamento caussam, praetermittendo contraxit. Neque etiam adgnouit, quam Theophilus ²⁾ et interpretes Basilicorum cum Glossis nomicis ³⁾ vno ore adgnouerunt, vel potius a Iustiniano mutuati sunt *acceptilationis* per *εικονικήν καταβολήν*, seu *imaginariam*, vt Institutiones ⁴⁾ loquuntur, *solutionem* definitionem, qua tamen in re magis laudandus noster videtur esse, quam vituperandus, quandoquidem hanc explicationem non in omnem acceptilationem, sed solummodo in eam, quae stipulationem Aquilianam vel certe aliam nouationem subsequitur, cadere existimamus, in primis si vera sunt, quae Iac. Cuiacius ⁵⁾ monuit, acceptilationis verbo plerumque et eam, quae praecesserit, stipulationem Aquilianam significari ⁶⁾. Et hactenus de his, quae nostro fragmento quasi propria vindicamus. Quae porro de eo adnotabimus, etsi non omnibus, quibus vtimur, iuri graecis monumentis conueniunt, tamen auctori nostro cum vno alteroue communia sunt. Sic sac-

i) Lib. III. c. 17.

k) ad §. 1. Quib. mod. toll. oblig.

l) Vid. loca supra not. f. et g. excitata.

m) d. §. 1.

n) Lib. V. Obs. et Emend. c. 36.

o) Quo procul dubio spectat acceptilationis definitio a Modestino L. II. Regularum proposita, a qua titulus D. de Acceptilat. (L. 1.) oritur: „Acceptilatio est liberatio per mutuum interrogationem, qua vtriusque contingit ab eodem nexu absolutio.“ Cf. BRISSONII Lib. VI. de formulis c. 194. sub fin. p. 551. cui iungenda Ill. CRAMERI ob-

seruatio in der Zeitschrift für geschichtliche Rechtswissenschaft herausg. von I. C. von SAVIGNY, C. F. EICHMORN und I. F. L. GÖRSCHEN B. I. Num. 12. p. 313—315. Neque ab ea notione abhorruerunt Basilicorum auctores, quum titulum 6. Libri XXVI. (Tom. IV. p. 175.) inscriberent *περί ἑλευθεριῶν ἔργων ἀθωώσεως διὰ ἀμοιβῆς ἐπερωτήσεως*, cui rubricae ΤΙΤΕΛΤΙΣ in Paratitlis Basilicorum ineditis, quae exstant in Bibliotheca Vaticana, teste Ios. SIMONIO ASSEMANO Lib. II. Bibliothecae iuris orientalis canonici et civilis c. 23. p. 520. adiecit haec: *καὶ τί ἐστὶ ἀθωώσεως*.

pius noster recedit a Theophili consuetudine, verba latina, quae artis sunt, aut retinendi, aut dumtaxat graeca veste induendi^{p)}; sed plerumque commutare dictiones latinas solet cum graecis, velut *acceptilationem ἀδῶσιν*, *solutionem καταβολήν* aut *διάλυσιν*, *novationem μετάθεσιν*, *pure καθαρόν* reddendo, aut, quas adspernari ausus non est, graeca saltem interpretatione illustrare, cuiusmodi est explicatio adiecta §. 4. vocibus partim graeca quidem forma, sed sermone latino expressis, partim simpliciter latinis: *βέβησις*, *λίτερσις*, *κοινόνισος*, *ex testamento*, *acceptilatio*, aut §. 5. *σολοντίωνος*, aut §. 6. *ἐνοβάντευσεν*, *ἐν ῥέμ*, *περσονάλια*. Qua in re ipsi plane convenit cum ceteris iuris graeci interpretibus Theophilo recentioribus^{q)}, graeca latinis tantum non vbique substituentibus, aut graecam saltem interpretationem diligenter addentibus; more, ut videtur, seculi, quod, quo longius a Iustiniano aevo abfuit, eo magis latina fugit, graeca captavit. Sed ex aduerso in eo noster, Theophili exemplo, tenacior fuit antiquitatis alii aetatis suae hominibus, quod formulas stipulationis Aquillianae et acceptilationis plane, ut a Theophilo eas acceperat, expressit, ne mutatis quidem personarum contrahentium nominibus sollemnibus^{r)}, quae tam in Scholio Basilicorum, quod supra cum nostro fragmento contulimus, quam

p) De qua adeundi sunt Io. Henr. MYLIVS in Historia Theophili c. 6. §. 2. T. II. ed. Reitz. p. 1068. sq. REITZIVS ipse in Praef. ad Theoph. §. 44. T. I. p. XXVI. et §. 48. p. XXVIII. et Phil. Bernh. DEOZZ, Vir Amplissimus, in den Bemerkungen über das Zeitalter und die Institutionen - Paraphrase des Theophilus Sect. IV. p. 41. sq.

q) Aequales enim Theophilo eum-

dem morem, latina retinendi, servasse, multis exemplis docuit REITZIVS Memorabilium ex Scholiis Basilic. T. II. p. 1237.

r) Quae apud nostrum constanter efferuntur *Ἀγιοφόχιος* et *Ἐγιδίος*, unde forte quis coniecturam capiat, prius nomen non tam ab actoris partibus, quam ab agri possessione repetendum esse.

in Glossario Brissoniano. Glossisque nomicis consulto sunt oblitterata.

Atque hacc quidem eum potissimum in finem praemisimus, vt, quae sit fragmenti indoles, facilius perspiciatur. Patet autem ex vniuersa orationis serie, auctorem, quisquis fuerit, id maxime egisse, vt locum de acceptilatione eique cognata stipulatione Aquiliana commentariolo aliquo illustraret. Vnde, quum in iis, quas sub initium descriptionis adumbratas magis, quam iusto et concinno ordine expositas, legimus obligationum siue contrahendarum siue dissoluendarum formas, cardo rei minime versetur, vtique ignoscendum est auctori, quod in adferendis duabus obligationum causis substerit, neque earum, quae vel ex maleficio, vel quasi ex maleficio repetendae sint, mentionem fecerit. Pridem enim receptum fuerat, vt doctrina de modis, quibus tolluntur obligationes, contractibus et negotiis, quae quasi in contractuum numero habentur, proxime subiiceretur, et media inter has ac reliquas obligationum causas collocaretur; quem ordinem non demum in Iustiniani, sed iamiam in Cui Institutionibus seruatum fuisse satis constat¹⁾. Quae singularis argumenti tractatio vtrum, ad quod statuendum sumus procliuiores, seorsim litteris mandata fuerit²⁾, an maioris operis partem constituerit, etsi decidere nolumus, tamen Clarissimo Maio non magis concedere possumus, locum eam

s) Vid. *Gust. Theod. Iud.* MAREZOLL, Viri Consulissimi, *Comm.* egregia de ordioe Institutionum (Gotting. 1815. 4.) p. 42. sq.

t) Non caret ius Postiustinianum graecum exemplis librorum minimi, vt ita dicam, moduli, quibus adeo gra-

viores loci pro more aevi ad maiora molienda parum idonei in compendium redacti sunt, cuiusmodi est opusculum ineditum duorum foliorum sub titulo: „εἰς τὴν ἀνέκδοτον αἱ ἀγωγαὶ καὶ αἱ ῥηταί“, in Cod. MS. Prochiri Basiliani, quem seruat bibliotheca Amplissimi Senatus Lipsiensis, obuium,

inter Basilicorum scholia occupasse. Nondum enim nobis haec scholia diligenter rimatis exemplum occurrit similis formae, quae rebus disiunctissimis enarrandis fines interpretationis cuique capiti aptae egrediat, quod profecto factum fuisset, si v. c. titulo Basilicorum de acceptilatione generalis de causis obligationum doctrina, alibi opportunius exsequenda, adcessisset. Et quamquam nostrum fragmentum, ut supra diximus, Basilicorum titulo de Armeniis in Codice Ambrosiano, vnde Celeb. Maius id descripsit, tamquam scholion adhaeret, non tamen inde sequitur, reapse id eam ob causam pro scholio esse habendum. Quum enim ille titulus postremus sit Libri XLV. v) facile fieri potuit, ut spatio, quod librarius exeunte libro vacuum reliquisset, vel ab eodem, vel ab alio libri possessore, inscriberetur tractatus breuissimus, qui istam intercapedinem expleret, nulla ratione habita argumenti, cui subiceretur, quodque profecto, si quod aliud, a sententia fragmenti toto coelo distat. Qua quidem occasione temperare nobis non possumus, quin, cum Maius plura de Codice illo adferre, praeter consuetudinem, quam in ceteris monumentis sequutus est, omiserit, ex animi sententia optemus, ut Viro Celeberrimo accuratorem notitiam eiusdem Codicis, procul dubio aliquot Basilicorum Libros complectentis, cui similem in solo, quo adhuc utimur, MSS. Bibliothecae Ambrosianae Indice*) frustra quaesiuimus, cum rei litterariae fautoribus communicare quam primum videatur. Atque idem Clarissimi Viri silentium in causa est, quare nec de aetate

v) T. VI. p. 137—139.

x) In Bibliotheca Bibliothecarum MSS. Noua auctore Bern. de Montfavcon T. I. p. 491 — 530. vbi inter graeci iuris reliquias Ambrosianas MSS.

commemorantur *Præmularium legum Basilii, Ecloga Leonis, variae Imp. Novellae, tractatus de Falidia, Michaelis Attaliothae Epitome et Harmenopuli Manuale legum.*

opusculi quidquam pronunciare valemus, quamquam, si vera essent, quae de Theodoro auctore suspicatus est, simul aetatis argumentum satis probabile inuentum foret. At enimvero veremur, vt Maius cuiquam fidem fecerit de Theodoro, nedum de Theodoro Hermopolita. Nam, quod Theodoro alicui fragmentum tribuit, nulla alia ratione nititur, quam nomine huius interpretis duobus scholiis ad calcem tituli Basilicorum de Armeniis praefixo ^γ). Quum autem, quam parum nostrum fragmentum huic ipsi titulo conueniat, in procliui sit, non opus est, vt refutandae coniecturae Maianaee immoremur. Et quod de Theodoro Hermopolita addidit, in eo non distinxit Theodorum antiquiorem, Iustiniano σύγχρονον, cuius saepe sunt scholia Basilicis multo post cum variis additamentis illata, a Theodoro Hermopolita, auctore longe recentiore operis inediti ad ipsa Basilica scripti; praeunte quidem REITZIO ^α), qui, etsi in his litteris versatissimus, tamen a confusione Iurisconsultorum cognominum sibi non cauit; sed rectius dissentiente Christ. Frid. Pohllo ^β), Viro Illustri, deque iisdem litteris optime merito. Id solum igitur certum est, frustum nostrum post Theophili tempora esse concinnatum; alia omnia de auctore huiusque aetate ignorari.

Superest, vt de inuenti vtilitate pauca adiiciamus. Quam etsi intelligimus minime comparari posse cum praestantia aliorum monumentorum nostris diebus in lucem protractorum, adeo, vt haec ipsa folia in iis, quae Celeberrimi Maii vigilantiae debentur, infimum forte locum occupent, tamen, si plane nullam esse negemus,

^γ) T. VI. p. 139.

^z) Memorabilia ex Scholiis Basilicorum v. Theodorus (*Hermopolites*); in THEOPHILI T. II. p. 1240. sq.

^α) Ad *Ios. Mariae SVARESHII* Notitiam Basilicorum §. 20. not. ω. p. 73 — 76.

non veremur, ne aequos harum rerum aestimatores nacturi simus aduersarios. Etenim, si quid videmus, praeter fructum communem, quem e qualibet quantumuis tenui fontium suorum et praesidiorum adcessionem capit solidior iurisprudentia, duplex potissimum fragmenti dos est, altera, quod passim Theophilo meliores lectiones suppeditat, altera, quod euidentius docet, non minus in Byzantino imperio, quam in regionibus Occidentis, etiam medio aevo viginisse stipulationis Aquillianae auctoritatem, cuius vestigia nec in instrumentis huius aevi desiderantur ^{b)}).

Sed indicenda nunc sunt sollemnia inauguralia Candidati summorum in iurisprudentia honorum doctissimi,

GUSTAVI FRIDERICI HAENELII,

ANNABERGENSIS,

PHIL. D. AA. LL. M. I. V. B. ADVOCATI ET NOTARII PVBL.
IN REGNO SAX. IMMATRICVLATI,

qui de vitae suae laudabiliter adhuc actae et studiorum ratione scripsit haec:

Natus cum Annabergae, anno superioris seculi XCII., patre CHRISTIANO THEOPHILO, mercatore, quem adhuc Deus seruauit, matre CHRISTIANA DOROTHEA, e gente EISENSTVCKIA, iam ante de-

b) Sic in tabula emtionis venditionis anno 551. p. C.n. celebratae apud Caesaronum MARINVM in Opere eximio: I Papiri diplomatici raccolti ed illustrati Num. 119. lin. 57. p. 182. memoratur *Lex Aquiliana*, sub qua, monente Viro Celeberrimo *Frid. Car. de SAVIGNY* in

libro laude nostra maiore: *Geschichte des Römischen Rechts im Mittelalter* B. II. p. 187. not. 29. nihil aliud intelligi potest, quam stipulatio Aquiliana. Plura exempla suppeditat MARINVS in Commentario ad illam tabulam p. 347. not. 19.

cem annos fato mihi erepta. Puerilem aetatem in patria domo moratus, nil fere narratu dignum, praeter ipsum parentum amorem atque pietatem, qua liberorum suorum curam gerebant, expertus sum. Praeceptorem nactus sum DEUTSCHMANNVM, qui nunc Torgaviae popularem scholam moderatur, virum et animi virtutibus et eruditione insignem, mihi pie colendum, qui praeter alia ab iis, qui ultra vulgus sapere cupiunt, disci solita, etiam linguae latinae atque matheseos rudimenta me docuit. Cum duodecimum aetatis annum agerem, vrbis patriae Lyceum adii, in quo per quatuor, et quod excurrit, annos FAEHSII et KREYSSIGII disciplina vsus sum, quorum alter hoc tempore Gymnasio Serrestensi praefectus, alter in schola prouinciali Misnensi Professoris munere fungitur. Animo in primis ad theologiae studium inclinante, et Hebraica tractaui et Graeca non neglexi: sed postea aliae me rationes, vt iuris scientiam praeferrem, impulerunt, quam talem cognoui, vt numquam ab eu discedendi causam inuenirem.

Die XXIII. Maii, anno huius seculi VIII., Lipsiae a TITTMANNO, Rectore tum temporis Magnifico, in numerum ciuium academicorum receptus sum, ibique plus quam tres annos in litteris consumi. In iure ciuili et Saxonico priuato HAVBOLDVM, qui et interpretandi iuris ciuilis arte, et cognitione eius litteraria me imbuit, in historia iuris Romani MYELLERVM, in philosophia beatum BREHMVM, PLATNERVM et WENDTIVM, in historia BECKIVM et WIELANDVM, in iure Germanico, canonico et regni Saxonici publico WEISSIVM, in iure criminali et ordine iudiciorum discendo BIENERVM, in iure feudali RAVIVM praeceptores habui. Praeterea HERMANNVM selecta Iliados loca interpretantem, et WIELANDVM iuris publici vniuersalis praecepta tradentem, audiui, et scholis disputatoriis KORI interfui; in

arte relatoria decretoriaque *KEESIVS* atque b. *ERHARDVS* me instituerunt, cuius auspiciis etiam iurisprudentiae heurematicae exercitia feci. Die *XXVII. Aug.* anni *MDCCCXI.* varia iuris controuersi capita, praeside *HAYBOLDO*, publice defendi, cuius *Viri Illustris* patrocinio semper ita sum usus, ut non possim, quin ei, hac oblata occasione, pro summa beniuolentia et humanitate, qua mihi rebusque meis semper consultum voluit, gratissimi animi sensus publice aperiam. — Mense Octobri eiusdem anni examini publico me subieci, quo feliciter peracto, ab *Illustri* *ICtorum Ordine Iuris* utriusque *Baccalaureus* et *Notarius publicus* creatus, quum aliquanto longius studiis academicis vacare constituissem, mox *Heidelbergam* me contuli, et in *Academia Ruperto-Carolina* annum transegi, cuius temporis memoriam numquam sine maxima animi voluptate recolo. In illa *Academia* a *CAROLO SALOMONE ZACHARIAE* philosophiam iuris et ius ciuile *Francogallorum* didici, *KLVEBERVM* iuris publici foederis *Rhenani* praeceptorem, *MARTINVM* exercitia iuris pragmatica moderantem, et b. *ACKERMANNVM* doctrinam anthropologiae forensis anatomicis demonstrationibus illustrantem, sequutus sum, nec non *ESCHENMAYERI* de oeconomia politica scholas frequentavi. De iure *Pandectarum*, quod maiore cum temporis impensa illic tractabatur, praelectiones audire reliquorum studiorum ratio me prohibebat; sed ne penitus doctissimorum virorum, qui tum ius ciuile docebant, scholas praeterirem, *THIBAVTIVM* de usucapionibus et praescriptionibus, et *HEISIVM* de iure hereditatum disserentes audiui.

Sub finem anni *MDCCCXII.* in patriam redux, aliquot menses *Annabergae* in speciminibus pro facultate causas publice dicendi elaborandis consumsi; quibus a Summo Regimine *Dresdensi* approbatis, *Dresdan* adii, ibique per biennium magnamque tertii anni partem sub au-

epiciis EISENSTVCKII, celeberrimi caussarum patroni, cui cognationis vinculo non minus, quam animi deditissimi affectu coniunctum, beneque factorum memoria obstrictum me sentio, negotiis forensibus operam dedi. Neque ut proprio Marte consulentibus adessem, et in foro litium fortunam experirer, occasio defuit, postquam in numerum Aduocatorum receptus sum. — Sed nescio qui literarum amor, quae veri indagandi cupiditas me iusserit ab hac via deflectere, atque ut in iuris scientia perdiscenda docendaque omne studium ponerem, hanc Academiam repetere.

Anno MDCCCXV., inter ferias autumnales, Lipsiam adueni, et statim initium docendi feci scholis examinatoriis, quibus Institutiones iuris ciuilibus secundum ordinem legalem auditoribus exposui: praeterea et aliis, qui seorsim institui iuris doctrina volebant, operam dedi. Die XXIV. Febr. anni superioris summos in philosophia honores adeptus sum. Semestri, quod sequebatur, aestiuo gratis de modo procedendi apud Summum Prouocationum Senatam vsitato, ex thesibus meis, praelectiones habui, quum non abs re esse putarem, si ii, qui aliquando in foro illo supreno caussas acturi essent, iam in antecessum regulas ibi praescriptas cognouerint. Eodem tempore dissertationem meam inauguralem de adquirendo rerum dominio scripsi. E valetudine aduersa, quae et studia mea aliquamdiu interrompsbat, neque leuis momenti erat, Deo saluatore incolumis euasi. Semestri proximo collegium practicum institui, quo praeter stili exercitationem et ordinis iudiciorum perspicentiam etiam id adsequi studui, ut ipsam legum applicationem, et quemadmodum doctrina iuris ad casus obuios utendum esset, adolescentes discerent. Praeterea scholis gratuitis loca quaedam iuris ciuilibus probantia cum auditoribus perlustraui. — Initio huius anni examine, quod vocant, rigoroso defunctus, libellum scripsi de hereditate ex principiis iuris naturalis

iudicanda, eumque die XVI. Aprilis Amplissimi Philosophorum Ordinis auctoritate, ad optima magisterii iura rite obtinenda, publice defendi. — Nunc aliud opus maioris conaminis suscepi, quum mihi librum CVRTIO auctore inchoatum, de iure ciuili, quo in Saxonia utimur, perficere mandatum sit; quod ut illius Viri Illustris nomine non indignum fiat, ut omnes cupiunt, sic ego pro virili parte contendam operamque nauabo.

Quam autem Candidatus Praeclarissimus, antequam e nostra Academia discessisset, in priori tentamine Ordini nostro probauerat ingenii vbertatem et doctrinae praestantiam, eamdem, quum reuersus ad nos, ut studiis, quae inter forensium negotiorum strepitus nunquam intermisit, totum se addiceret, in altero colloquio, cui Doctoratus in vtroque iure consequendi gratia se stitit, nuper ita expediu it, ut Ordo vnanimi consensu eum his honoribus dignissimum iudicaret. Defuncturus autem reliquis speciminibus, quae a Candidatis eorumdem honorum exiguntur, non solum crastino die, hora a meridie secunda, in Auditorio nostro, *Legem II. C. Vbi in rem actio exerceri debeat* interpretabitur, sed etiam insequenti statim die, qui futurus est X. mensis Iunii, Dissertationem inauguralem *de adquirendo rerum dominio* elaboratissime a se scriptam, eodem loco, inde ab hora nona publice et sine Praeside defendet. Quo facto *Vir Illustris, Excellentissimus atque Consultissimus, D. CHRISTIANVS ERNESTVS WEISSIVS, Supremae Curiae Prouincialis Consiliarius, Iuris Criminalis Professor Publicus Ordinarius, Ordinis Iurisconsultorum h. t. Decanus*, Collega coniunctissimus et in primis suspiciendus, cui ego, Cancellarii vice ac munere, Promotoris partes rite delegaui, summos in vtroque iure honores cum omnibus priuilegiis ac iuribus huic dignitati adnexis, sola spe ad sessionem in Collegio nostro adspirandi excepta, ipsi tribuet atque

concedet. Quam sollemnitate ut Vos, RECTOR ACADEMIAE
MAGNIFICE, CELSISSIMI PRINCIPES, ILLUSTRISSIMI COMITES,
UTRIUSQUE REIPUBLICAE PROCERES GRAVISSIMI, nec non Vos,
COMMILITONES GENEROSISSIMI ET HUMANISSIMI, praesentia VE-
STRA reddere velitis splendidiorem, Vos omnes ac singulos tum
Candidati, tum Ordinis mei meoque ipsomet nomine rogo atque oro.

P. P. in Vniuersitate litterarum Lipsiensi Dominica I. post
Festum Trinitatis A. C. MDCCCXVII.





